



INSTITUTE OF ANCIENT
NEAR EASTERN STUDIES
Charles University
Prague

መጽሐፈ:ሄኖክ::

The Book of Enoch

Book I
The Book of Watchers

Electronic edition of Ethiopic text
prepared by Michal Jerabek

THIS TEXT CANNOT BE SOLD UNDER ANY CIRCUMSTANCES.

Library of Ethiopian Texts, <http://anes235-1.ff.cuni.cz>, Prague

© Michal Jerabek, Prague 1995

Copyright Notice:

1995 Library of Ethiopian Texts, created and maintained by Michal Jerabek, Prague. Permission to use, copy, and distribute this text, for any NONCOMMERCIAL purpose is hereby granted without fee, provided that the copyright notice and this permission notice appear in all copies of this text. This text cannot be sold under any circumstances.

Preface:

This e-text is based on: A.Dillmann's *Liber Henoch aethiopice, ad quinque codicum fidem editus cum variis lectionibus*, Leipzig, 1851.

Please, report any error in Ethiopic text to
michal.jerabek@ff.cuni.cz.

Leave you e-mail address and you will be prompted after the corrections are made so that you can upload corrected version.

Comments are welcome.

ምዕራፍ፡፩፡።

ክፍል፡፩፡።

ቃለ፡በረከት፡ዘሄኖክ፡ዘከመ፡ባረከ፡ኅሩያነ፡ወጻድቃነ፡እለ፡ሀለው፡ይኩኑ፡በዕለተ፡
 ምንዳቤ፡ለአሰሰሎ፡ኩሉ፡እኩያን፡ወረሲዓን፡።
 ወአውሥኦ፡ወይቤ፡ሄኖክ፡ብእሲ፡ጻድቅ፡ዘእምኅበ፡እግዚአብሔር፡እንዘ፡
 አዕይንቲሁ፡ክሠታት፡ወይሬኢ፡ራእዮ፡ቅዱሰ፡ዘበሰማያት፡ዘአርአዩኒ፡መላእክት፡
 ወሰማዕኩ፡እምኅቤሆሙ፡ኩሎ፡ወአእመርኩ፡አነ፡ዘእሬኢ፡ወአኮ፡ለዝ፡ትውልድ፡
 አላ፡ለዘይመጽእ፡ትውልድ፡ርኅታቃን፡።
 በእንተ፡ኅሩያን፡እቤ፡ወአውሣእኩ፡በእንቲአሆሙ፡ምስለ፡ዘይወፅእ፡ቅዱሰ፡ወዐቢይ፡
 እማኅደሩ፡ወአምላክ፡ዓለም፡።
 ወእምህዮ፡ይከይድ፡ዲበ፡ሲና፡ደብር፡ወያስተርኢ፡በትዕይንቱ፡ያስተርኢ፡በጽንዑ፡
 ኅይሉ፡እምሰማይ፡።
 ወይፈርህ፡ኩሉ፡ወያድለቀልቁ፡ትጉሃን፡ወይነሥኦሙ፡ፍርሀት፡ወረዓድ፡ዐቢይ፡
 እስከ፡አጽናፈ፡ምድር፡።
 ወይደነግፀ፡አድባር፡ነዋኃን፡ወይቴሐቱ፡አውግር፡ነዋኃት፡ወይትመሰው፡ከመ፡
 መዓረ፡ግራ፡እምላብህ፡።
 ወትሠጠም፡ምድር፡ወኩሉ፡ዘውስተ፡ምድር፡ይትሐጉል፡ወይከውን፡ፍትሕ፡ሳዕለ፡
 ኩሉ፡ወሳዕለ፡ጻድቃን፡ኩሎሙ፡።
 ለጻድቃንሰ፡ሰላመ፡ይገብር፡ሎሙ፡ወየዐቅቦሙ፡ለኅሩያን፡ወይከውን፡ሣህል፡
 ሳዕሌሆሙ፡ወይከውኑ፡ኩሎሙ፡ዘእምላክ፡ወይሤርሐ፡ይትባረኩ፡ወይሀርህ፡ሎሙ፡
 ብርሃነ፡አምላክ፡።
 ወናሁ፡መጽእ፡በትእልፈት፡ቅዱሳን፡ክመ፡ይግበር፡ፍትሕ፡ሳዕሌሆሙ፡
 ወያሐጉሎሙ፡ለረሲዓን፡ወይትዋቀስ፡ኩሎ፡ዘሥጋ፡በእንተ፡ኩሉ፡ዘገብሩ፡ወረሰዩ፡
 ሳዕሌሁ፡ኃጥአን፡ወረሲዓን፡።

ክፍል፡፪፡።

ጠዮቁ፡ኩሎ፡ዘውስተ፡ሰማይ፡ግብረ፡እፎ፡ኢይመይጡ፡ፍናዊሆሙ፡ብርሃናት፡
 ዘውስተ፡ሰማይ፡ከመ፡ኩሉ፡ይሠርቅ፡ወየዐርብ፡ሥሩዕ፡ኩሉ፡በበዘመኑ፡
 ወኢይትዐደው፡እምትእዘዘሙ፡።
 ርእይዎ፡ለምድር፡ወሰብው፡በእንተ፡ምግባር፡ዘይትገበር፡ሳዕሌሃ፡እምቀዳሚ፡እስከ፡
 ተፍጻሜቱ፡ከመ፡ኢይትመዮጥ፡ኩሉ፡ግብሩ፡ለአምላክ፡እንዘ፡ያስተርኢ፡።
 ርእይዎ፡ለሐጋይ፡ወለክረምት፡ከመ፡ኩላ፡ምድር፡መልአት፡ማየ፡ወደመና፡ወጠል፡
 ወዝናም፡የዐርፍ፡ሳዕሌሃ፡።

ክፍል፡፫፡።

ጠዮቁ፡ወርኢኩ፡ከመ፡ኩሉ፡ዐፀው፡እፎ፡ያስተርእዩ፡ከመ፡ይቡስ፡ወኩሉ፡
 አቋጽሊሆሙ፡ንጉፋት፡ዘእንበለ፡፲ ወ ፬ ዐፀው፡ዘኢይትነገሩ፡እለ፡ይጸንሐ፡
 እምብሉይ፡እስከ፡ይመጽእ፡ሐዲስ፡እም ፪ ወእም ፫ ክረምት፡።

ክፍል፡፬፡።

ወዳግመ፡ጠዮቁ፡መዋዕለ፡ሐጋይ፡ከመ፡ኮነ፡ፀሐይ፡ላእሌሃ፡በቅድሜሃ፡ወአንትሙሰ፡
 ተኅሥሡ፡ምጽላለ፡ወጽላሎተ፡በእንተ፡ዋዕየ፡ፀሐይ፡ወምድርኒ፡ትውዒ፡እሙቀተ፡
 ሐሩር፡ወአንትሙሰ፡ኢትክሉ፡ከይደታ፡ለምድር፡ወኢኩኩሐ፡በእንተ፡ዋእያ፡።

ክፍል፡፭፡።

ጠዮቁ፡እፎ፡ዕፀው፡በሐመልማለ፡አቋጽል፡ይትክደኑ፡ወይፈርዩ፡
 ወሰብው፡በእንተ፡ኩሉ፡ወአእምሩ፡በከመ፡ገብረ፡ለክሙ፡እሎንተ፡ኩሎሙ፡
 ዘሕያው፡ለዓለም፡።

ወምግባሩ፡ ቅድሜሁ፡ ለለዓመት፡ ዘይከውን፡ ወኩሉ፡ ምግባሩ፡ ይትቀነዩ፡ ሎቱ፡
 ወኢይትመጠ፡ አላ፡ በከመ፡ ሠርዐ፡ አምላክ፡ ከመዝ፡ ይትገበር፡ ኩሉ፡ ።
 ወርእዩ፡ እፎ፡ አብህርት፡ ወአፍላግ፡ ኅቡረ፡ ይፌጽሙ፡ ግብርሙ፡ ።
 ወአንትሙሰ፡ ኢተዐገሥክሙ፡ ወኢገበርክሙ፡ ትእዛዘ፡ እግዚእ፡ እላ፡ ተዐደውክሙ፡
 ወሐመይክሙ፡ ዓቢያተ፡ ወድሩካተ፡ ቃላተ፡ በአፍ፡ ርኩስት፡ ዘዚአክሙ፡ ላዐለ፡ ዕበዩ፡
 ዚአሁ፤ ይቡሳነ፡ ልብ፡ ኢትከውኅክሙ፡ ሰላም፡ ።
 ወበእንተዝ፡ አንትሙ፡ መዋዕሊክሙ፡ ትረግሙ፡ ወዓመታተ፡ ሕይወትክሙ፡ ተሐጉሉ፡
 ወይበዝላ፡ መርገም፡ ዘለዓለም፡ ወኢይከውኅክሙ፡ ሣህል፡ ።
 በውእቱ፡ መዋዕል፡ ትሁቡ፡ ሰላም፡ ዚአክሙ፡ በርግመት፡ ዘለዓለም፡ ለኩሉ፡ ጳድቃን፡
 ወኪያክሙ፡ ይረግሙ፡ ኃጥአን፡ ዘልፈ፡ ወለክሙ፡ ኅቡረ፡ ምስለ፡ ኃጥአን፡ ።
 ወለኅሩያንሰ፡ ይከውን፡ ብርሃን፡ ወፍሥሐ፡ ወሰላም፡ ወእሙንቱ፡ ይወርስዎ፡ ለምድር፡
 ወለክሙሰ፡ ረሲዓን፡ ይከውኅክሙ፡ ርግመት፡ ።
 ወአመሂ፡ ይትወሀቦሙ፡ ለኅሩያን፡ ጥበብ፡ ወኩሎሙ፡ እሎንቱ፡ የሐይወ፡ ወኢይደግሙ፡
 አበሳ፡ ኢበረሲዕ፡ ወኢበትዕቢት፡ አላ፡ ይገንዩ፡ ዘቦሙ፡ ጥበብ፡ ኢይደግሙ፡ አብሰ፡ ።
 ወኢይትኬነ፡ ኩሎ፡ መዋእለ፡ ሕይወቶሙ፡ ወኢይመውቱ፡
 በመቅሠፍት፡ ወኢበመዓት፡ አላ፡ ኅሁልቄ፡ መዋዕለ፡ ሕይወቶሙ፡ ይፌጽሙ፡ ወይልህቅ፡
 ሕይወቶሙ፡ በሰላም፡ ወዓመታተ፡ ፍሥሐሆሙ፡ ይበዝላ፡ በሐሤት፡ ወበሰላም፡ ለዓለም፡
 ውስተ፡ ኩሉ፡ መዋእለ፡ ሕይወቶሙ፡ ።

ምዕራፍ፡ ፪።

ክፍል፡ ፮።

ወኮነ፡ እምዘ፡ በዝኑ፡ ውሉደ፡ ሰብእ፡ በእማንቱ፡ መዋእል፡ ተወልደ፡ ሎሙ፡ አዋልድ፡
 ሠናያት፡ ወላህያት፡ ።
 ወርእዩ፡ ኪያሆን፡ መላእክት፡ ውሉደ፡ ሰማያት፡ ወፈተውዎን፡ ወይቤሉ፡ በበይናቲሆሙ፡
 ንዑ፡ ንኅረይ፡ ለነ፡ አንስተ፡ እምውሉደ፡ ሰብእ፡ ወንለድ፡ ለነ፡ ውሉደ፡ ።
 ወይቤሎሙ፡ ስምያዛ፡ ዘውእቱ፡ መልአኮሙ፡ እፈርህ፡ ዮጊ፡ ኢትፈቅዱ፡ ይትገበር፡
 ዝንቱ፡ ግብር፡ ወእከውን፡ አነ፡ በሕቲትዮ፡ ፈዳዩሃ፡ ለዛቲ፡ ኅጢአት፡ ዐባይ፡ ።
 ወአውሥኡ፡ ሎቱ፡ ኩሎሙ፡ ወይቤሉ፡ መሐላ፡ ንምሐል፡ ኩልነ፡ ወንትዋገዝ፡
 በበይናቲነ፡ ከመ፡ ኢንሚግ፡ ለዛቲ፡ ምክር፡ ወንግብራ፡ ለዛቲ፡ ምክር፡ ግብረ፡ ።
 አሜሃ፡ መሐሉ፡ ኩሎሙ፡ ኅቡረ፡ ወአውገዙ፡ ኩሎሙ፡ በበይናቲሆሙ፡
 ቦቱ፡ ወኮነ፡ ኩሎሙ፡ ፪፻።
 ወወረዱ፡ ውስተ፡ አርዲስ፡ ዝውእቱ፡ ድማሐ፡ ለደብረ፡ አርሞን፡ ጳውዕዎ፡ ለደብረ፡
 አርሞን፡ እስመ፡ መሐሉ፡ ቦቱ፡ ወአውገዙ፡ በበይናቲሆሙ፡ ።
 ወዝንቱ፡ አስማቲሆሙ፡ ለመላእክቲሆሙ፡ ስምያዛ፡ ዘውእቱ፡ መልአኮሙ፡
 ኡራኪበራሜኤል፡ አኪበኤል፡ ጣሚኤል፡ ራሙኤል፡ ዳንኤል፡ ኤዜቄኤል፡ ሰራቂያል፡
 አሳኤል፡ አርምርስ፡ በጥረአል፡ አናንኢ፡ ዘቄቤ፡ ሰምሳዌኤል፡ ሰርተኤል፡ ጡርኤል፡
 ዮምያኤል፡ አራዝያል፡ እሉ፡ እሙንቱ፡ ሀበይቶሙ፡ ለ፪፻ መላእክት፡ ወበዕዳን፡ ኩሉ፡
 ምስሌሆሙ፡ ።

ክፍል፡ ፯።

ወነሥኡ፡ ሎሙ፡ አንስትያ፡ ወኅረዮ፡ ኩሉ፡ ለለርእሱ፡ አሐተ፡ አሐተ፡ ወወጠኑ፡ ይባኡ፡
 ኅቤሆን፡ ወተደመሩ፡ ምስሌሆን፡ ወመሐርዎን፡ ሥራያተ፡ ወስጠዓታተ፡ ወመቲረ፡
 ሥርው፡ ወዕፀው፡ አመርዎን፡ ።
 ወእማንቱሰ፡ ፀንሳ፡ ወወለዳ፡ ረዓይተ፡ ዐበይተ፡ ወቆሞሙ፡ በበ፴፻ በእመት፡ ።
 እሉ፡ በልዑ፡ ኩሎ፡ ፃሚ፡ ሰብእ፡ እስከ፡ ስእንዎሙ፡ ሴስዮተ፡ ሰብእ፡ ።

ወተመይጡ፡ ረዓይት፡ ላዕሌሆሙ፡ ይብልዕዎሙ፡ ለሰብእ፡፡ ወወጠኑ፡ የኡብሱ፡ በአዕዋፍ፡
 ወዲብ፡ አራዊት፡ ወበዘይትሐወስ፡ ወበዓሣት፡ ወሥጋሆሙ፡ በበይናቲሆሙ፡ ይትባልዑ፡
 ወደመ፡ ይስትዩ፡ እምኔሃ፡፡
 አሜሃ፡ ምድር፡ ሰከዮቶሙ፡ ለዐማፅያን፡፡

ክፍል፡ ፳፡፡

ወአዛዝኤል፡ መሐሮሙ፡ ለሰብእ፡ ገቢረ፡ አስይፍት፡ ወመጥባሕት፡ ወወልታ፡ ወድርዓ፡
 እንግድዓ፡ ወአርአዮሙ፡ ዘእምድኅሬሆሙ፡ ወምግባረሆሙ፡ አውቃፋተ፡ ወሠርጌ፡፡
 ወተኩሕሎተ፡ ወአሠንዮ፡ ቀራንብት፡ ወእብነ፡ እምኩሉ፡ እብን፡ ክቡረ፡ ወኅሩዮ፡
 ወኩሎ፡ ጥምዓታተ፡ ኅብር፡ ወተውላጠ፡ ዓለም፡፡
 ወኮነ፡ ርስዐት፡ ዓቢይ፡ ወብዙኅ፡ ዘምዎ፤ ወስሕቱ፡ ወማሰና፡ ኩሉ፡ ፍናዊሆሙ፡፡
 አሜዛራክ፡ መሀረ፡ ኩሎ፡ መሳብዕያነ፡ ወመታርያነ፡ ሥርዋት፤ አርማሮስ፡ ፈትሐ፡
 ስብዓታተ፤ ወበረቅዓል፡ ረዓይያነ፡ ከዋክብት፤ ወኮከብኤል፡ ትእምርታተ፤ ወጥምኤል፡
 መሀረ፡ ራእዮ፡ ኮከብ፤ ወአስራድኤል፡ መሀረ፡ ፋፀተ፡ ወርኅ፡፡
 ወበኅጉለተ፡ ሰብእ፡ ጸርሐ፡ ወበጽሐ፡ ቃሎሙ፡ ሰማየ፡፡

ክፍል፡ ፱፡፡

ወአሜሃ፡ ሐወጾ፡ ሚካኤል፡ ወገብርኤል፡ ወሱርያን፡ ወኡርያን፡ እምሰማይ፡ ወርእዩ፡
 ብዙኃ፡ ደመ፡ ዘይትከዐው፡ በዲብ፡ ምድር፡ ወኩሎ፡ ዓመ፡ ዘይትገበር፡ በዲብ፡ ምድር፡፡
 ወይቤሉ፡ በበይናቲሆሙ፡ ቃለ፡ ጽራኃቲሆሙ፡ ዕራቃ፡ ጸርኅት፡ ምድር፡ እስከ፡ አንቀጸ፡
 ሰማይ፡፡
 ወይእዜኒ፡ ለክሙ፡ አቅዱሳነ፡ ሰማይ፡ ይሰክዩ፡ ነፍሳተ፡ ሰብእ፡ እንዘ፡ ይብሉ፡ አብኡ፡
 ለነ፡ ፍትሐ፡ ኅብ፡ ልዑል፡፡
 ወይቤሉ፡ ለእግዚአሙ፡ ለንጉሥ፡ እስመ፡ እግዚአሙ፡ ለአጋእዝት፡ ወአምላኩሙ፡
 ለአማልክት፡ ወንጉሥሙ፡ ለነገሥት፡ ወመንበረ፡ ስብሐቲክ፡ ውስተ፡ ኩሎ፡ ትውልደ፡
 ዓለም፡ ወስምከ፡ ቅዱስ፡ ወስቡሕ፡ ውስተ፡ ኩሎ፡ ትውልደ፡ ዓለም፡ ወቡሩክ፡ ወስቡሕ፡
 አንተ፡፡
 ገበርከ፡ ኩሎ፡ ወሥልጣነ፡ ኩሎ፡ ምስሌክ፡ ወኩሎ፡ ክሠት፡ ቅድሜክ፡ ወግሁድ፤
 ወአንተ፡ ትሬኢ፡ ኩሎ፡ ወአልቦ፡ ዘይትከሀል፡ ይትኅባእ፡ እምኔክ፡፡
 ርኢኬ፡ ዘገብረ፡ አዛዝኤል፡ ዘከመ፡ መሀረ፡ ኩሎ፡ ዓመ፡ በዲብ፡ ምድር፡ ወአግሀደ፡
 ኅቡአተ፡ ዓለም፡ እለ፡ ይትገበራ፡ በሰማያት፡ ወአመረ፡ ስብዐታተ፡ ስምያዛ፡ ዘአንተ፡
 ወሀብኮ፡ ሥልጣነ፡ ይኩንን፡ እለ፡ ምስሌሁ፡ ኅቡረ፡፡
 ወሐሩ፡ ኅብ፡ አዋልደ፡ ሰብእ፡ ኅቡረ፡ ወሰከቡ፡ ምስሌሆን፡ ምስለ፡ እልኩ፡ አንስት፡
 ወረኩሱ፡ ወአግሀዱ፡ ሎን፡ እሎንተ፡ ኃጣውአ፡፡
 ወአንስትሰ፡ ወለዳ፡ ረዓይተ፡ ወበዝ፡ መልአት፡ ኩላ፡ ምድር፡ ደመ፡ ወዐመ፡፡
 ወይእዜኒ፡ ናሁ፡ ይጸርሐ፡ ነፍሳት፡ እለ፡ ሞቱ፡ ወይሰክዩ፡ እስከ፡ አንቀጸ፡ ሰማይ፡
 ወዐርገ፡ ገዓሮሙ፡ ወኢይክሉ፡ ወዳኢ፡ እምቅድመ፡ ገጸ፡ ዐመ፡ ዘይትገበር፡ በዲብ፡
 ምድር፡፡
 ወአንተ፡ ተአምር፡ ኩሎ፡ ዘእንበለ፡ ይኩን፤ ወአንተ፡ ተአምር፡ ዘንተ፡ ወዘዚአሆሙ፡
 ወአልቦ፡ ዘትኅግረነ፡ ወምንት፡ መፍትው፡ ንረስዮሙ፡ በእንተ፡ ዝንቱ፡፡

ክፍል፡ ፲፡፡

ወአሜሃ፡ ልዑል፡ ዐቢይ፡ ወቅዱስ፡ ተናገረ፡ ወፈኅዎ፡ ለአርስየላልዩር፡ ኅብ፡ ወልደ፡
 ላሜክ፡ ወይቤሎ፡፡
 በሎ፡ በስመ፡ ዚአዮ፡ ኅባእ፡ ርእሰክ፡ ወአግሀድ፡ ሎቱ፡ ፍጻሜ፡ ዘይመጽእ፡ እስመ፡
 ትትሐጌል፡ ምድር፡ ኩላ፡ ወማየ፡ አይኅ፡ ይመጽእ፡ ሀሎ፡ ዲብ፡ ኩላ፡ ምድር፡
 ወይትኅጌል፡ ዘሀሎ፡ ውስቴታ፡፡
 ወይእዜኒ፡ መሀሮ፡ ከመ፡ ይንፍጽ፡ ወይንበር፡ ዘርኡ፡ ለኩሎ፡ ምድር፡፡

ወይቤሎ፡ ካዕበ፡ እግዚእ፡ ለሩፋኤል፡ እስሮ፡ ለአዛዝኤል፡ በእዲሁ፡ ወእገራሁ፡ ወደዮ፡
 ውስተ፡ ጽልመት፡ ወአብቅዋ፡ ለገዳም፡ እንተ፡ ሀለወት፡ በዱዳኤል፡ ወደዮ፡ ህዩ፡ ።
 ወደይ፡ ሳዕሌሁ፡ አዕባነ፡ ጠዋያተ፡ ወበሊኃተ፡ ወክድኖ፡ ጽልመተ፡ ወህዩ፡ ይኅድር፡
 ለዓለም፡ ወክድኖ፡ ለገጽ፡ ከመ፡ ኢይርአይ፡ ብርሃነ፡ ።
 ወበዕለት፡ ዐባይ፡ እንተ፡ ኩነኔ፡ ከመ፡ ይትፈነው፡ ውስተ፡ ዋዕይ፡ ።
 ወአሕይዋ፡ ለምድር፡ እንተ፡ አማሰኑ፡ መላእክት፡ ወሕይወታ፡ ለምድር፡ አይድዕ፡ ከመ፡
 አሕይዋ፡ ለምድር፡ ወኢይትኃጉሉ፡ ኩሎሙ፡ ውሉደ፡ ሰብእ፡ በምሥጢር፡ ኩሉ፡
 ዘቀተሉ፡ ትጉሃን፡ ወመሀሩ፡ ለውሉደሙ፡ ።
 ወማሰነት፡ ኩላ፡ ምድር፡ በትምህርተ፡ ግብሩ፡ ለአዛዝኤል፡ ወሳዕሌሁ፡ ጸሐፍ፡ ኩሎ፡
 ኅጢአተ፡ ።
 ወለገብርኤል፡ ይቤሎ፡ እግዚአብሔር፡ ሐር፡ ዲቤሆሙ፡ ለመንዝራን፡ ወለምኑናን፡
 ወዲብ፡ ውሉደ፡ ዘማ፡ ወአኅጉሎሙ፡ ለውሉደ፡ ዘማ፡ ወለውሉደ፡ ትጉሃን፡ እምሰብእ፡
 ወአውፅኦሙ፡ ወፈንዎሙ፡ በበይናቲሆሙ፡ እሙንቱ፡ ወለሊሆሙ፡ በቀትል፡ ይትኅጉሉ፡
 እስመ፡ ኑኃ፡ መዋዕል፡ አልቦሙ፡ ።
 ወኩሎሙ፡ ይስእሉከ፡ ወኢይከውን፡ ለአበዊሆሙ፡ በእንቲአሆሙ፡ እስመ፡ ይሴፈው፡
 ሕይወተ፡ ዘለዓለም፡ ወከመ፡ ይሕዮው፡ እምኔሆሙ፡ ፭፻ ክራማተ፡ ።
 ወለሚካኤል፡ ይቤሎ፡ እግዚአብሔር፡ አይድዕ፡ ለስምያዛ፡ ወለካልኣን፡ እለ፡ ምስሌሁ፡
 እለ፡ ኅብሩ፡ ምስለ፡ አንስት፡ ከመ፡ ይማሰኑ፡ ምስሌሆን፡ በኩሉ፡ ርኩሰ፡ ዘአሆን፡ ።
 ሰባ፡ ይትራገዙ፡ ኩሉ፡ ውሉደሙ፡ ወሰባ፡ ይሬእዩ፡ ሐጉሎሙ፡ ለፍቁራኒሆሙ፡
 እስሮሙ፡ ለ፪ ትውልድ፡ በመትሕተ፡ አውግረ፡ ምድር፡ እስከ፡ ዕለተ፡ ኩነኔሆሙ፡
 ወተፍጻሜቶሙ፡ እስከ፡ ይትፈጸም፡ ኩነኔ፡ ዘለዓለመ፡ ዓለም፡ ።
 ወበውእቱ፡ መዋዕል፡ ይወስድዎሙ፡ ውስተ፡ መትሕተ፡ እሳት፡ በዳዕር፡ ወበቤተ፡ ሞቅሕ፡
 ይትዓፀው፡ ለዓለመ፡ ዓለም፡ ።
 ወሰቤሃ፡ ይውዒ፡ ወይማሰን፡ እምይእዜ፡ ምስሌሆሙ፡ ኅቡረ፡ ይትአሰሩ፡ እስከ፡
 ተፍጻሜተ፡ ትውልደ፡ ትውልድ፡ ።
 ወአኅጉሎሙ፡ ለኩሎሙ፡ ነፍሳተ፡ ተውኔት፡ ወለውሉደሙ፡ ለትጉሃን፡ እስመ፡
 ገፍዕዎሙ፡ ለሰብእ፡ ።
 አኅጉል፡ ኩሎ፡ ግፍዕ፡ እምገጸ፡ ምድር፡ ወኩሉ፡ ምግባር፡ እኩይ፡ ይኅልቅ፡
 ወያስተርኢ፡ ተክለ፡ ጽድቅ፡ ወርትዕ፡ ወይከውን፡ ለበረከት፡ ግብር፤ ጽድቅ፡ ወርትዕ፡
 ለዓለም፡ በፍሥሐ፡ ይተክሉ፡ ።
 ወይእዜኒ፡ ኩሎሙ፡ ጸድቃን፡ ይገንዩ፡ ወይከውኑ፡ ሕያዋነ፡ እስከ፡ ይወልዱ፡ ፲፱
 ወኩሎ፡ መዋዕል፡ ውርዙቶሙ፡ ወሰንበተ፡ ዘአሆሙ፡ ይፈጽሙ፡ በሰላም፡ ።
 ወበእማንቱ፡ መዋዕል፡ ትትገብር፡ ኩላ፡ ምድር፡ በጽድቅ፡ ወኩለንታሃ፡ ትተክል፡ ዕፀው፡
 ወትመልዕ፡ በረከተ፡ ።
 ወኩሎ፡ ዕፀው፡ ኃህት፡ ይተክሉ፡ ዲቤሃ፡ ወይተክሉ፡ ዲቤሃ፡ እውያነ፡ ወወይን፡
 ዘይተክል፡ ዲቤሃ፡ ይገብር፡ ፍሬ፡ ለጽጋብ፤ ወኩሉ፡ ዘርእ፡ ዘይዘራእ፡ ዲቤሃ፡ አሐቲ፡
 መስፈርት፡ ትገብር፡ እልፈ፡ ወአሐቲ፡ መስፈርተ፡ ኤልያስ፡ ትገብር፡ ፲ ምክያዳተ፡
 ዘይት፡ ።
 ወአንተ፡ አንጽሐ፡ ለምድር፡ እምኩሉ፡ ግፍዕ፤ ወእምኩሉ፡ ዐመፀ፤ ወእምኩሉ፡
 ኅጢአት፤ ወእምኩሉ፡ ረሲዕ፤ ወእምኩሉ፡ ርኩስ፡ ይትገብር፡ በዲብ፡ ምድር፤
 አኅልቆሙ፡ እምዲብ፡ ምድር፡ ።
 ወይኩኑ፡ ኩሉ፡ ውሉደ፡ ሰብእ፡ ጸድቃነ፡ ወይኩኑ፡ ኩሉ፡ አሕዛብ፡ ያምልኩ፡
 ወይባርኩ፡ ኪያየ፡ ወኩሎሙ፡ ሊተ፡ ይሰግዱ፡ ።
 ወትነጽሕ፡ ምድር፡ እምኩሉ፡ ሙስና፡ ወእምኩሉ፡ ኃጢአት፤ ወእምኩሉ፡
 መቅሠፍት፤ ወእምኩሉ፡ ዳዕር፤ ወኢይደግም፡ ከመ፡ እፈኑ፡ ዲቤሃ፡ አይኃ፡ ለትውልደ፡
 ትውልድ፡ ወእስከ፡ ለዓለም፡ ።

ክፍል : ፲፩ ፡፡

ወበእማንቱ ፡ መዋዕል ፡ እፈትሕ ፡ መዛግብተ ፡ በረከት ፡ እለ ፡ በሰማይ ፡ ከመ ፡ አውርዶሙ ፡ ዲብ ፡ ምድር ፡ ዲብ ፡ ግብረሙ ፡ ወዲብ ፡ ማህሆሙ ፡ ለውሉደ ፡ ሰብእ ፡ ፡ ሰላም ፡ ወርትዐ ፡ ሱቱፋነ ፡ ይከውኑ ፡ በኩሉ ፡ መዋዕለ ፡ ዓለም ፡ ወበኩሉ ፡ ትውልደ ፡ ዓለም ፡፡

ምዕራፍ : ፫ ፡፡

ክፍል : ፲፪ ፡፡

ወእምቅድመ ፡ ኩሉ ፡ ነገር ፡ ተከብተ ፡ ሄኖክ ፡ ወአልቦ ፡ ዘየእምሮ ፡ እምውሉደ ፡ ሰብእ ፡ በኅብ ፡ ተከብተ ፡ ወኅብ ፡ ሀሎ ፡ ወምንተ ፡ ኮነ ፡፡ ወኩሉ ፡ ግብሩ ፡ ምስለ ፡ ቅዱሳን ፡ ወምስለ ፡ ትጉሃን ፡ በመዋዕለ ፡ ዚአሁ ፡፡ ወአነ ፡ ሄኖክ ፡ ኮንኩ ፡ እባርኮ ፡ ለእግዚእ ፡ ዐቢይ ፡ ወለንጉሠ ፡ ዓለም ፡ ወናሁ ፡ ትጉሃን ፡ ይጸውዑኒ ፡ ሊተ ፡ ለሄኖክ ፡ ጸሐፊ ፡ ወይቤሉኒ ፡፡ ሄኖክ ፡ ጸሐፊ ፡ ጽድቅ ፡ ሑር ፡ አይድዕ ፡ ለትጉሃነ ፡ ሰማይ ፡ እለ ፡ ኅደጉ ፡ ሰማየ ፡ ልዑለ ፡ ወምቅደመ ፡ ቅዱስ ፡ ዘለዓለም ፡ ወምስለ ፡ አንስት ፡ ማሰኑ ፡ ወገብሩ ፡ ዘከመ ፡ ይገብሩ ፡ ውሉደ ፡ ሰብእ ፡ ወነሥኡ ፡ ሎሙ ፡ አንስተ ፡ ወማሰኑ ፡ ዐቢየ ፡ ሙስና ፡ በዲብ ፡ ምድር ፡፡ ወኢይከውን ፡ ሎሙ ፡ በዲብ ፡ ምድር ፡ ሰላም ፡ ወኅደገተ ፡ ኅጢአት ፡ እስመ ፡ ኢይትፊሥሑ ፡ በውሉደሙ ፡፡ ቀትለ ፡ ፍቁራኒሆሙ ፡ ይሬእዩ ፡ ወዲብ ፡ ሑጉለ ፡ ውሉደሙ ፡ ይግዕሩ ፡ ወይስእሉ ፡ ለዓለም ፡ ወኢይከውን ፡ ሎሙ ፡ ምሕረት ፡ ወኢሰላም ፡፡

ክፍል : ፲፫ ፡፡

ወሄኖክ ፡ ኅብሬ ፡ ይቤሎ ፡ ለአዛዝኤል ፡ ኢይከውኑከ ፡ ሰላም ፡ ዐቢይ ፡ ኩኑኔ ፡ ወፅእ ፡ ላዕሌከ ፡ ይእሥርከ ፡፡ ወሣኅት ፡ ወስእለት ፡ ወምሕረት ፡ ኢይከውኑከ ፡ በእንተ ፡ ዘመሀርከ ፡ ግፍዐ ፡ ወበእንተ ፡ ኩሉ ፡ ምግባረ ፡ ጽርፈት ፤ ወግፍዕ ፤ ወኅጢአት ፤ ዘአርአይከ ፡ ለውሉደ ፡ ሰብእ ፡፡ አሜሃ ፡ ሐዊርየ ፡ ነገርክዎሙ ፡ ለኩሎሙ ፡ ኅቡረ ፤ ወእሙንቱ ፡ ፈርሁ ፡ ኩሎሙ ፡ ፍርሃት ፡ ወረዓድ ፡ ነሥኡሙ ፡፡ ወተስእሉኒ ፡ ተዝካረ ፡ ስእለት ፡ ከመ ፡ እጽሐፍ ፡ ሎሙ ፡ ከመ ፡ ይኩኖሙ ፡ ኅደገተ ፡ ወከመ ፡ አነ ፡ አዕርግ ፡ ተዝካረ ፡ ስእለቶሙ ፡ ኅብ ፡ እግዚአብሔር ፡ ሰማየ ፡፡ እስመ ፡ ኢይክሉ ፡ እሙንቱ ፡ እምይእዜ ፡ ተናግሮ ፡ ወኢያነሥኡ ፡ አዕይንቲሆሙ ፡ ውስተ ፡ ሰማይ ፡ እምኃፍረተ ፡ አበሳሆሙ ፡ ዘተኩኑኑ ፡፡ ወአሜሃ ፡ ጸሐፍኩ ፡ ተዝካረ ፡ ስእለቶሙ ፡ ወአስተብቀዎቶሙ ፡ በእንተ ፡ መንፈሶሙ ፡ ወለለ ፡ ፩ ምግባረሙ ፡ ወበእንተ ፡ ዘይስእሉ ፡ ከመ ፡ ይኩኖሙ ፡ ስርየተ ፡ ወኑኅተ ፡፡ ወሐዊርየ ፡ ነበርኩ ፡ ዲብ ፡ ማያተ ፡ ዳን ፡ በዳን ፡ እንተ ፡ ይእቲ ፡ እምየማነ ፡ ዓረብ ፡ አርሞን ፡ ወእነብብ ፡ ተዝካረ ፡ ስእለቶሙ ፡ እስከ ፡ ደቀስኩ ፡፡ ወናሁ ፡ ሕልም ፡ መጽአኒ ፡ ወራእያት ፡ ዲቤየ ፡ ወድቁ ፡ ወርኢኩ ፡ ራእየ ፡ መቅሠፍት ፡ እንግር ፡ ለውሉደ ፡ ሰማይ ፡ ወእዛለፎሙ ፡፡ ወነቂሕየ ፡ መጻእኩ ፡ ኅቤሆሙ ፡ ወኩሎሙ ፡ ጉቡዓነ ፡ ይነብሩ ፡ እንዘ ፡ ላሕው ፡ በኡብልሲያኤል ፡ ዘሀለወት ፡ ማእከለ ፡ ሊባኖስ ፡ ወሴኔሴር ፡ እንዘ ፡ ግልቡባን ፡ ገጾሙ ፡፡ ወተናገርኩ ፡ በቅድሜሆሙ ፡ ኩሎ ፡ ራእያተ ፡ ዘርኢኩ ፡ በንዋምየ ፡ ወጠንኩ ፡ እትናገር ፡ ውእተ ፡ ቃላተ ፡ ጽድቅ ፡ ወእዝልፍ ፡ ለትጉሃነ ፡ ሰማይ ፡፡

ክፍል : ፲፬ ፡፡

ዝመጽሐፍ ፡ ቃለ ፡ ጽድቅ ፡ ወዘለፋ ፡ ትጉሃን ፡ እለ ፡ እምዓለም ፡ በከመ ፡ አዘዘ ፡ ቅዱስ ፡ ወዐቢይ ፡ በይእቲ ፡ ራእይ ፡ አነ ፡ ርኢኩ ፡ በንዋምየ ፡ ዘአነ ፡ ይእዜ ፡ እንግር ፡ በልሳን ፡ ዘሥጋ ፡ ወበመንፈስየ ፡ ዘወሀበ ፡ ዐቢይ ፡ አፈ ፡ ለሰብእ ፡ ይትናገሩ ፡ ቦቱ ፡ ወይለብው ፡ በልብ ፡፡

ከመፈጠረ፡ ወወሀበ፡ ለሰብእ፡ ይለብው፡ ቃለ፡ አእምሮ፡ ወሊተኒ፡ ፈጠረ፡ ወወሀበኒ፡
 እዛለፎሙ፡ ለትጉሃን፡ ውሉደ፡ ሰማይ።
 አነ፡ ስእለተክሙ፡ ጸሐፍኩ፡ ወበራእይየ፡ ከመዝ፡ ያስተርኢ፡ እስመ፡ ስእለተክሙ፡
 ኢትከውነክሙ፡ ውስተ፡ ኩሉ፡ መዋዕለ፡ ዓለም፡ ወኩነኔ፡ ፍጽምት፡ ላዕሌክሙ፡
 ወኢይከውነክሙ።
 ወእምይእዜ፡ ኢተዓርጉ፡ ውስተ፡ ሰማይ፡ እስከ፡ ኩሉ፡ ዓለም፡ ወውስተ፡ ምድር፡ ተነግ
 ረ፡ ይእሥርክሙ፡ በኩሉ፡ መዋዕለ፡ ዓለም።
 ወእምቅድመ፡ ዝንቱ፡ ርኢክሙ፡ ጎጉለ፡ ውሉድክሙ፡ ፍቁራን፤ ወአልብክሙ፡
 ጥራያኒሆሙ፡ አላ፡ ይወድቁ፡ ቅድሜክሙ፡ በሰይፍ።
 ወስእለተክሙ፡ በእንቲአሆሙ፡ ኢይከውን፡ ወበእንቲአክሙኒ፡ ወአንትሙሂ፡ እንዘ፡
 ትበክዩ፡ ወታስተበቀሁ፡ ወኢትትናገሩ፡ ወኢምንተኒ፡ ቃለ፡ እምውስተ፡ መጽሐፍ፡
 ዘጸሐፍኩ።
 ወሊተ፡ ከመዝ፡ ራእይ፡ አስተርአየኒ፤ ናሁ፡ ደመናት፡ በራእይ፡ ይጼውዑኒ፤ ወጊሜ፡
 ይጼውዑኒ፤ ወሩፀተ፡ ከዋክብት፡ ወመባርቅት፡ ያጌጉዑኒ፡ ወያጽዕቂኒ፡ ወነፋሳት፡
 በራእይ፡ ያሰርሩኒ፡ ወያጌጉዑኒ።
 ወነሥኡኒ፡ ላዕለ፡ ውስተ፡ ሰማይ፡ ወቦእኩ፡ እስከ፡ እቀርብ፡ ጎበ፡ ጥቅም፡ ዘጎንጽት፡
 በእብነ፡ በረድ፡ ወልሳነ፡ እሳት፡ የዓውዳ፡ ወወጠነ፡ ያፍርሀኒ።
 ወቦእኩ፡ ውስተ፡ ልሳነ፡ እሳት፡ ወቀረብኩ፡ ጎበ፡ ቤት፡ ዓቢይ፡ ዘሕኑጽ፡ በአዕባነ፡ በረድ፤
 ወአረፍተ፡ ውእቱ፡ ቤት፡ ከመ፡ ጸፍጸፈ፡ ሰሌዳ፡ በአዕባነ፡ ዘእምበረድ፡ ወምድሩ፡ በረድ።
 ጠፈሩ፡ ከመ፡ ሩፀተ፡ ከዋክብት፡ ወመባርቅት፤ ወማእከሎሙ፡ ኪሩቤል፡ ዘእሳት፡
 ወሰማዮሙ፡ ማይ።
 ወእሳት፡ ዘይነድድ፡ በዓውዳ፡ አረፍቱ፡ ወኖሳቱ፡ ይውዒ፡ በእሳት።
 ወቦእኩ፡ ውስተ፡ ውእቱ፡ ቤት፡ ወምውቅ፡ ከመ፡ እሳት፡ ወቁሪር፡ ከመ፡ በረድ፡
 ወኢምንተኒ፡ ፍግግ፡ ወሕይወት፡ አልቦ፡ ውስቴቱ፤ ፍርሃት፡ ከደነኒ፡ ወረዓድ፡ አሳዘኒ።
 ወእንዘ፡ እትሀወክ፡ ወእርዕድ፡ ወደቁ፡ በገጽዮ፡ ወእሬኢ፡ በራእይ።
 ወናሁ፡ ካልእ፡ ቤት፡ ዘየዐቢ፡ እምዝኩ፡ ወኩሉ፡ ኖሳቱ፡ ርኑት፡ በቅድሜየ፡ ወሳኑጽ፡
 በልሳነ፡ እሳት።
 ወበኩሉ፡ ይራደፍድ፡ በሰብሐት፡ ወበክብር፡ ወዕባይ፡ እስከ፡ ኢይክል፡ ዜንዎተክሙ፡
 በእንተ፡ ስብሐቲሁ፡ ወበእንተ፡ ዐባዩ።
 ወምድሩሰ፡ እሳት፡ ወመልዕልቴሁ፡ መብረቅ፡ ወምርዋፀ፡ ከዋክብት፡ ወጠፈሩኒ፡ እሳት፡
 ዘይነድድ።
 ወነጸርኩ፡ ወርኢኩ፡ ውስቴቱ፡ መንበረ፡ ልዑለ፤ ወራእዩ፡ ከመ፡ አስተትያ፡ ወክበቡ፡ ከመ፡
 ፀሐይ፡ ዘያበርህ፡ ወቃለ፡ ኪሩቤል።
 ወእመትሕተ፡ መንበሩ፡ ዐቢይ፡ ይወፀእ፡ አፍላገ፡ እሳት፡ ዘይነድድ፤ ወኢይክሉ፡ ርእዮቶ።
 ወዐቢየ፡ ስብሐት፡ ይነብር፡ ላዕሌሁ፡ ወዐጽፋሰ፡ ዘይበርህ፡ እምፀሐይ፡ ወይፀዐዱ፡
 እምኩሉ፡ በረድ።
 ወኢይክል፡ ወኢመኑሂ፡ እመላእክት፡ በዊኦ፤ ወራእዮ፡ ገጹ፡ ለክቡር፡ ወስቡሕ፡ ኢይክል፡
 ወኢመኑሂ፡ ዘሥጋ፡ ይርአይ፡ ኪያሁ።
 እሳተ፡ እሳት፡ ዘይነድድ፡ በዓውዳ፡ ወእሳት፡ ዐቢይ፡ ይቀውም፡ ቅድሜሁ፡ ወአልቦ፡
 ዘይቀርብ፡ ጎቤሁ፡ እምእለ፡ ዓውዱ፡ ትእልፊተ፡ ትእልፊት፡ ቅድሜሁ፡ ወውእቱሰ፡
 ኢይፈቅድ፡ ምክረ፡ ቅድስተ።
 ወቅዱሳን፡ እለ፡ ይቀርቡ፡ ጎቤሁ፡ ኢይርሳቁ፡ ሌሊተ፡ ወመዓልተ፡ ወኢይትአተቱ፡
 እምኔሁ።
 ወአነ፡ ሀለውኩ፡ እስከ፡ ዝንቱ፡ ደብ፡ ገጽዮ፡ ግልባቤ፡ እንዘ፡ እርዕዱ፡ ወእግዚእ፡ በአፋሁ፡
 ጸውዐኒ፡ ወይቤለኒ፡ ቅረብ፡ ዝየ፡ ሄኖክ፡ ወለቃልየ፡ ቅዱስ።
 ወአንሥኢኒ፡ ወአቅረብኒ፡ እስከ፡ ኖሳት፤ ወአንሰ፡ ገጽዮ፡ ታሕተ፡ እኔጽር።

ክፍል፡ ፲፭።

ወአውሥኢ፡ ወይቤላ፡ በቃሉ፡ ሰማዕ፡ ኢትፍራህ፡ ሄኖክ፡ ብእሲ፡ ጳድቅ፡ ወጸሐፌ፡
 ጳድቅ፡ ቅረብ፡ ዝየ፡ ወሰማዕ፡ ቃልየ፡፡
 ወሐር፡ በሎሙ፡ ለትጉሃነ፡ ሰማይ፡ እለ፡ ፈነውከ፡ ትስኦል፡ በእንቲአሆሙ፡ አንትሙ፡
 መፍትሔ፡ ትስኦሉ፡ በእንተ፡ ሰብእ፡ ወአኮ፡ ሰብእ፡ በእንቲአክሙ፡፡
 በእንተ፡ ምንት፡ ጎደግሙ፡ ሰማየ፡ ልዑለ፡ ወቅዱሰ፡ ዘለግለም፡ ወምስለ፡ አንስት፡
 ሰከብክሙ፡ ወምስለ፡ አዋልደ፡ ሰብእ፡ ረከሰክሙ፡ ወነሣእክሙ፡ ለክሙ፡ አንስተ፡ ወከሙ፡
 ውሉደ፡ ምድር፡ ገበርክሙ፡ ወወለድክሙ፡ ውሉደ፡ ረግይተ፡፡
 ወአንትሙሰ፡ መንፈሳውያን፡ ቅዱሳን፡ ሕያዋነ፡ ሕይወት፡ ዘለግለም፡ በዲብ፡ አንስት፡
 ረከሰክሙ፡ ወበደሙ፡ ሥጋ፡ አውለድክሙ፡ ወበደሙ፡ ሰብእ፡ ፈተውክሙ፡ ወገበርክሙ፡
 ከሙ፡ እሙንቱ፡ ይገብሩ፡ ሥጋ፡ ወደሙ፡ እለ፡ እሙንቱ፡ ይመውቱ፡ ወይትኃጉሎ፡፡
 ወበእንተዝ፡ ወሀብክምሙ፡ አንስትያ፡ ከሙ፡ ይዝርኡ፡ ላዕሌሆን፡ ወይትወለዱ፡ ውሉደ፡
 በላዕሌሆን፡ ከሙ፡ ከማሁ፡ ይትገበር፡ ግብር፡ በዲብ፡ ምድር፡፡
 ወአንትሙሰ፡ ቀዳሚ፡ ኮንክሙ፡ መንፈሳውያን፡ ሕያዋነ፡ ሕይወት፡ ዘለግለም፡
 ዘኢይመውት፡ ለኩሉ፡ ትውልደ፡ ግለም፡፡
 ወበእንተ፡ ዝንቱ፡ ኢረሰይኩ፡ ለክሙ፡ አንስትያ፡ እስሙ፡ መንፈሳውያንሰ፡ ውስተ፡ ሰማይ፡
 ማጎደሪሆሙ፡፡
 ወይእኬኒ፡ ረግይት፡ እለ፡ ተወልዱ፡ እምነፍስት፡ ወሥጋ፡ መናፍስተ፡ እኩያነ፡ ይሰመዩ፡
 በዲብ፡ ምድር፡ ወውስተ፡ ምድር፡ ይከውን፡ ማጎደሪሆሙ፡፡
 ወነፍሳት፡ እኩያን፡ ወፅኡ፡ እምሥጋሆሙ፡ እስሙ፡ እመልዕልት፡ ተፈጥሩ፡ እምቅዱሳን፡
 ትጉሃን፡ ኮኑ፡ ቀዳሚቶሙ፡ ወቀዳሚ፡ መሰረት፡ መንፈሰ፡ እኩየ፡ ይከውኑ፡ በዲብ፡
 ምድር፡ ወመንፈሰ፡ እኩያን፡ ይሰመዩ፡፡
 ወመናፍስተ፡ ሰማይ፡ ውስተ፡ ሰማይ፡ ይከውን፡ ማጎደሪሆሙ፡፤ ወመናፍስተ፡ ምድር፡ እለ፡
 ተወልዱ፡ በዲብ፡ ምድር፡ ውስተ፡ ምድር፡ ማጎደሪሆሙ፡፡
 ወመንፈሰ፡ ረግይት፡ ደመናተ፡ እለ፡ ይገፍዱ፡፤ ይማስኑ፡፤ ወይወድቁ፡፤ ወይትበዕሱ፡፤
 ወያደቅቁ፡ ዲብ፡ ምድር፡፤ ወጎዘነ፡ ይገብሩ፡፤ ወኢምንተኒ፡ ዘይበልዑ፡ እክለ፡፤
 ወኢይጸምዑ፡ ወኢይትግወቁ፡፡
 ወኢይትነሥኡ፡ እሎንቱ፡ ነፍሳት፡ ዲብ፡ ውሉደ፡ ሰብእ፡ ወዲብ፡ አንስት፡ እስሙ፡
 ወፅኡ፡ አመ፡ መዋዕለ፡ ቀትል፡ ወሙስና፡፡

ክፍል : 17፡፡

ወሞተ፡ ረግይትኒ፡ እንተ፡ ጎበ፡ ወፅኡ፡ መንፈሳት፡
 እምነፍስት፡ ሥጋሆሙ፡ ለይኩን፡ ዘይማስን፡ ዘእንበለ፡ ኩነኔ፡፤ ከማሁ፡ ይማስኑ፡ እስከ፡
 ዕለተ፡ ኩነኔ፡ ዐባይ፡ እምግለም፡ ዐቢይ፡ ይትፌጸም፡ እምትጉሃን፡ ወረሲግን፡፡
 ወይእኬኒ፡ ለትጉሃን፡ እለ፡ ፈነውከ፡ ትስኦል፡ በእንቲአሆሙ፡ እለ፡ ቀዲሙ፡ በሰማይ፡
 ሀለው፡፡
 ወእእኬኒ፡ አንትሙሰ፡ በሰማይ፡ ሀለውክሙ፡ ወጎቡኣት፡ ግዲ፡ ኢተከሥቱ፡ ለክሙ፡
 ወምኑነ፡ ምሥጢረ፡ አእመርክሙ፡ ወዘንተ፡ ዜነውክሙ፡ ለአንስት፡ በጽንዕ፡ ልብክሙ፡
 ወበዝንቱ፡ ምሥጢር፡ ያበዝኃ፡ አንስት፡ ወሰብእ፡ እኪተ፡ በዲብ፡ ምድር፡፡
 በሎሙ፡ እንከሰ፡ አልብክሙ፡ ሰላም፡፡

ምዕራፍ : 18፡፡

ክፍል : 17፡፡

ወነሥኡኒ፡ ውስተ፡ 18 መካን፡ ጎበ፡ ሀለው፡ ህየ፡ ከሙ፡ እሳት፡ ዘይነድድ፡ ወሰበ፡ ይፈቅዱ፡
 ያስተርእዩ፡ ከሙ፡ ሰብእ፡፡
 ወወሰደኒ፡ ውስተ፡ መካን፡ ዘዐውሎ፡ ወውስተ፡ ደብር፡ ዘከተማ፡ ርእሱ፡ ይበጽሕ፡
 ውስተ፡ ሰማይ፡፡

ወርኢኩ፡ መካኖተ፡ ብሩሃነ፡ ወነጌድ፡ ወሰተ፡ አጽናፍ፤ ጎበ፡ ዕመቁ፡ ቀስተ፡ እሳት፤
 ወሐፅ፤ ወምጉንጳቲሆሙ፤ ወሰይፈ፡ እሳት፤ ወመባርቅት፡ ኩሉ፡ ።
 ወነሥኡኒ፡ እስከ፡ ማየ፡ ሕይወት፡ ዘይትነገር፡ ወእስከ፡ እሳተ፡ ዓረብ፡ ዘውእቱ፡ ይእሳዝ፡
 ኩሉ፡ ዕርብተ፡ ፀሐይ፡ ።
 ወመጻእኩ፡ እስከ፡ ፈለገ፡ እሳት፡ ዘይውሳዝ፡ እሳቱ፡ ከመ፡ ማይ፡ ወይትከወው፡ ወሰተ፡
 ባሕር፡ ዐቢይ፡ ዘመንገለ፡ ዓረብ፡ ።
 ወርኢኩ፡ ኩሉ፡ ዐባይተ፡ አፍላገ፡ ወእስከ፡ ዐቢይ፡ ጽልመት፡ በጻሕኩ፡ ወሐርኩ፡ ጎበ፡
 ኩሉ፡ ዘሥጋ፡ ያንሰሱ፡ ።
 ወርኢኩ፡ አድባረ፡ ቆባራት፡ እለ፡ ክረምት፡ ወምክዓወ፡ ማይ፡ ዘኩሉ፡ ቀላይ፡ ። ወርኢኩ፡
 አፋሆሙ፡ ለኩሉሙ፡ አፍላገ፡ ምድር፡ ወአፋሃ፡ ለቀላይ፡ ።

ክፍል፡ ፲፰።

ወርኢኩ፡ መዛግብተ፡ ኩሉ፡ ነፋሳት፡ ወርኢኩ፡ ከመ፡ ቦሙ፡ አሰርገወ፡ ኩሉ፡ ፍጥረተ፡
 ወመሰረታቲሃ፡ ለምድር፡ ።
 ወርኢኩ፡ እብነ፡ ማእዘንተ፡ ምድር፡ ወርኢኩ፡ ፬ ነፋሳተ፡ እለ፡ ይፀውርዋ፡ ለምድር፡
 ወለጽንዐ፡ ሰማይ፡ ።
 ወርኢኩ፡ ከመ፡ ነፋሳት፡ ይረብብዋ፡ ለልዕልና፡ ሰማይ፤ ወእሙንቱ፡ ይቀውሙ፡ ማእከለ፡
 ሰማይ፡ ወምድር፡ እሙንቱ፡ ውእቶሙ፡ አዕማደ፡ ሰማይ፡ ።
 ወርኢኩ፡ ነፋሳተ፡ እለ፡ ይመይጥዋ፡ ለሰማይ፡ እለ፡ ያዐርቡ፡ ለክበበ፡ ፀሐይ፡ ወኩሉ፡
 ከዋክብተ፡ ።
 ወርኢኩ፡ ዘዲበ፡ ምድር፡ ነፋሳተ፡ ዘይፀውሩ፡ ደመናተ፤ ወርኢኩ፡ ፍናወ፡ መላእክት፤
 ርኢኩ፡ ወሰተ፡ ጽንፈ፡ ምድር፡ ጽንዐ፡ ዘሰማይ፡ መልዕልተ፡ ።
 ወሳለፍኩ፡ መንገለ፡ አዜብ፡ ወይነድድ፡ መዓልተ፡ ወሌሊተ፡ ጎበ፡ ፯ አድባር፡ ዘእምእብን፡
 ክቡር፡ ፫ መንገለ፡ ጽባሕ፡ ወ ፫ መንገለ፡ አዜብ፡ ።
 ወመንገለ፡ ጽባሕሰ፡ ዘእምእብነ፡ ጎብር፡ ወ ፩ ሰ፡ ዘእምእብነ፡ ባሕርይ፡ ወ ፩ ኒ፡
 ዘእምእብነ፡ ፈውሰ፡ ወዘመንገለ፡ አዜብ፡ እምነ፡ እብን፡ ቀይሕ፡ ።
 ወማእከላይሰ፡ ይጌድእ፡ እስከ፡ ሰማይ፡ ከመ፡ መንበሩ፡ ለእግዚአብሔር፡ ዘእምእብነ፡
 ፔካ፡ ወድማሁ፡ ለመንበር፡ ዘእምእብነ፡ ሰንፔር፡ ።
 ወእሳተ፡ ዘይነድድ፡ ርኢኩ፡ ወዘሀሎ፡ ወሰተ፡ ኩሉ፡ አድባር፡ ።
 ወርኢኩ፡ ህየ፡ መካነ፡ ማዕዶቱ፡ ለዐቢይ፡ ምድር፡ ህየ፡ ይትጋብኡ፡ ማያት፡ ።
 ወርኢኩ፡ ንቅዕተ፡ ምድር፡ ዕሙቀ፡ በእእማዲሁ፡ ለእሳተ፡ ሰማይ፡ ወርኢኩ፡
 በውሰቱቶሙ፡ አዕማደ፡ ሰማይ፡ ዘእሳት፡ ዘይወርዱ፡ ወአልቦሙ፡ ጥልቀ፡ ወኢመንገለ፡
 መልዕልት፡ ወኢመንገለ፡ ዕመቅ፡ ።
 ወዲበ፡ ውእቱ፡ ንቅዕት፡ ርኢኩ፡ መካነ፡ ወኢጽንዐ፡ ሰማይ፡ ሳዕሌሁ፡ ወኢመሠረተ፡
 ምድር፡ በታሕቱ፡ ወኢማይ፡ አልቦ፡ ሳዕሌሁ፡ ወኢአዕዋፍ፡ አላ፡ መካነ፡ በድው፡ ውእቱ፡ ።
 ወግሩመ፡ ርኢኩ፡ በህየ፡ ፯ ከዋክብተ፡ ከመ፡ ዐባይት፡ አድባር፡ ዘይነድዱ፡ ወከመ፡ መንፈሰ፡
 ዘይሴአለኒ፡ ።
 ይቤ፡ መልእክ፡ ዝውእቱ፡ መካነ፡ ተፍጻሜቱ፡ ለሰማይ፡ ወለምድር፤ ቤተ፡ ሞቅሕ፡
 ኮኖሙ፡ ዝንቱ፡ ለከዋክብተ፡ ሰማይ፡ ወለጎይለ፡ ሰማይ፡ ። ወከዋክብት፡ እለ፡ ያንኩረኩሩ፡
 ዲበ፡ እሳት፡ ወእሉ፡ ውእቶሙ፡ እለ፡ ጎለፉ፡ ትእዘዘ፡ እግዚአብሔር፡ እምቅድመ፡
 ጽባሕሙ፡ እስመ፡ ኢመጽኡ፡ በጊዜሆሙ፡ ።
 ወተምዕዖሙ፡ ወአሠሮሙ፡ እስከ፡ ጊዜ፡ ተፍጻሜተ፡ ጎጢአቶሙ፡ በዓመተ፡ ምሥጢር፡ ።

ክፍል፡ ፲፱።

ወይቤለኒ፡ ኡርኤል፡ በዝየ፡ ተደሚሮሙ፡ መላእክት፡ ምስለ፡ አንስት፡ ቀውሙ፡
 መናፍስቲሆሙ፡ ወብዙጋ፡ ራእየ፡ ከዊኖሙ፡ አርኩስዎሙ፡ ለሰብእ፡ ወያስሕትዎሙ፡
 ለሰብእ፡ ከመ፡ ይሁዑ፡ ለአጋንንት፡ ከመ፡ አማልክት፡ እስመ፡ በዕለት፡ ዐባይ፡ ኩነኔ፡
 በዘይትኬነኑ፡ እስከ፡ ይትፈጸሙ፡ ።
 ወአንስቲሆሙ፡ አስሒቶን፡ መላእክተ፡ ሰማይ፡ ከመ፡ ሰላማውያን፡ ይከውና፡ ።

ወአነ፡ሄኖክ፡ርኢኩ፡አርኢያ፡ባሕቲትየ፡አጽናፈ፡ኩሉ፡ወአልቦ፡ዘርእየ፡እምሰብእ፡
ከመ፡አነ፡ርኢኩ፡።

ክፍል ፡ ፳ ።

ወዝንቱ፡ውእቱ፡አስማ ቲሆሙ፡ለእለ፡ይተግሁ፡ቅዱሳን፡መላእክት፡።
ኡርኤል፡፩እምነ፡መላእክት፡ቅዱሳን፡እስመ፡ዘረዓም፡ወዘረዓድ፡።
ሩፋኤል፡፩እምነ፡መላእክት፡ቅዱሳን፡ዘመናፍስተ፡ሰብእ፡።
ራጉኤል፡፩እምነ፡መላእክት፡ቅዱሳን፡ዘይትቤቀሎ፡ለዓለም፡ወለብርሃናት፡።
ሚካኤል፡፩እምነ፡መላእክት፡ቅዱሳን፡እስመ፡በዲበ፡ሠናይቱ፡ለሰብእ፡ተአዛዚ፡ዲበ፡
ሕዝብ፡።
ሰረቃኤል፡፩እምነ፡መላእክት፡ቅዱሳን፡ዘዲበ፡መናፍስተ፡እንለ፡እመሕያው፡
ዘመናፍስተ፡ያሳጥኡ፡።
ገብርኤል፡፩እምነ፡መላእክት፡ቅዱሳን፡ዘዲበ፡አኪስት፡ወዘዲበ፡ገነት፡ወዘኪሩቤል፡።

ክፍል ፡ ፳፩ ።

ወአድኩ፡እስከ፡መካን፡ኅበ፡አልቦ፡ዘይትገበር፡።
ወርኢኩ፡በህየ፡ግብረ፡ግሩመ፡ኢሰማየ፡ልዑለ፡ወኢምድረ፡ሱርርተ፡አላ፡መካነ፡
በድው፡ዘድልው፡ወግፋም፡።
ወህየ፡ርኢኩ፡፯ ከዋክብተ፡ሰማይ፡እሱራን፡በላዕሌሁ፡ኅብረ፡ከመ፡አድባር፡ዐበይት፡
ወከመ፡ዘእሳት፡እንዘ፡ይነድዱ፡።
ውእተ፡ጊዜ፡እቤ፡በእንተ፡አይ፡ኅጢአት፡ተአሥሩ፡ወበእንተ፡ምንት፡ዝየ፡ተገድፋ፡።
ወይቤለኒ፡ኡርኤል፡፩እምነ፡መላእክት፡ቅዱሳን፡ዘምስሌየ፡ውእቱ፡ይመርሀኒ፡
ወይቤ፡ሄኖክ፡በእንተ፡መኑ፡ትሴአል፡ወበእንተ፡መኑ፡ትጤይቅ፡ወትስእል፡ወትጽህቅ፡።
እሉ፡ውእቶሙ፡እምነ፡ከዋክብት፡እለ፡ኅለፋ፡ትእዛዘ፡እግዚአብሔር፡ልዑል፡
ወተአሥሩ፡በዝየ፡እስከ፡ይትፌጸም፡ትእልፊተ፡ዓለም፡ኅሉልቁ፡መዋዕለ፡ኃጢአቶሙ፡።
ወእምህየ፡ሐርኩ፡ካልአ፡መካነ፡እምዝ፡ዘይጌርም፡ወርኢኩ፡ግብረ፡ግሩመ፡እሳት፡
ዐቢይ፡በህየ፡ዘይነድድ፡ወያንበላብል፡ወመምተርት፡ቦቱ፡ወሰኑ፡እስከ፡ቀላይ፡ፍጹም፡
አዕማደ፡እሳት፡ዐበይት፡ዘያወርድዎሙ፡
ወኢአምጣ፡ወኢዕቡዮ፡ኢክህልኩ፡ነጽሮ፡ወስእንኩ፡ነጽሮ፡ዐይኑ፡።
ውእተ፡ጊዜ፡እቤ፡እፎ፡ግሩም፡ዝንቱ፡መካን፡ወሕማም፡ለነጽሮ፡።
ውእተ፡ጊዜ፡አውሥኦኒ፡ኡርኤል፡፩እመላእክት፡ቅዱሳን፡ዘምስሌየ፡ሀለወ፡
አውሥኦኒ፡ወይቤለኒ፡ሄኖክ፡ምንት፡ውእቱ፡ፍርሃትከ፡ከመዝ፡ወድንጋዬከ፡
በእንተዝ፡ግሩም፡መካን፡ወቅድመ፡ገጹ፡ለዝ፡ሕማም፡።
ወይቤለኒ፡ዝመካን፡ቤተ፡ሞቅሐሙ፡ለመላእክት፡ወበህየ፡ይትአኅዙ፡እስከ፡ለዓለም፡።

ምዕራፍ ፡ ፳።

ክፍል ፡ ፳፪ ።

ወእምህየ፡ሐርኩ፡ካልአ፡መካነ፡ወአርአዖኒ፡በምዕራብ፡ደብረ፡ዐቢየ፡ወነዋኅ፡
ወኩኩሕ፡ጽኑዕ፡ወ፬ መካናት፡ሠናያት፡።
ወበውሰቴቱ፡ዘቦቱ፡ዕሙቅ፡ወርኅብ፡ወልሙጽ፡ጥቀ፡ከመ፡ልሙጽ፡ዘያንኩረኩር፡
ወዕሙቅ፡ወጽልመት፡ለነጽሮ፡።
ውእተ፡ጊዜ፡አውሥኦኒ፡ሩፋኤል፡፩እመላእክት፡ቅዱሳን፡ዘሀለወ፡ምስሌየ፡
ወይቤለኒ፡እላ፡መካናት፡ሠናያት፡ከመ፡ይትጋብኡ፡ዲቤሆን፡መናፍስተ፡ነፍሶሙ፡
ለምውታን፡ሎሙ፡እሎንቱ፡ተፈጥሩ፡ዝየ፡ያስተጋብኡ፡ኩሎ፡ነፍሰ፡ውሉደ፡
ሰብእ፡።
ወእሙንቱ፡መካናት፡ኅበ፡ያነብርዎሙ፡ገብሩ፡እስከ፡ዕለተ፡ኩነኔሆሙ፡ወእስከ፡አመ፡
ዕድሜሆሙ፡፤ ወዕድሜ፡ውእቱ፡ዐቢይ፡እስከ፡አመ፡ኩነኔ፡ዐቢይ፡በላዕሌሆሙ፡።

ወርኢኩ፡ መናፍስተ፡ ውሉደ፡ ሰብእ፡ እንዘ፡ ምውታን፡ ውእቶሙ፡ ወቃሎሙ፡
 ይበጽሕ፡ እስከ፡ ሰማይ፡ ወይሰኪ፡።
 ይእተ፡ ጊዜ፡ ተስእልክዎ፡ ለፋፍኤል፡ መልአክ፡ ዘሀሎ፡ ምስሌዎ፡ ወእቤሎ፡ ዝመንፈስ፡
 ዘመኑ፡ ውእቱ፡ ዘከመዝ፡ ቃሉ፡ ይበጽሕ፡ ወይሰኪ፡።
 ወአውሥኦሪ፡ ወይቤለኒ፡ እንዘ፡ ይብል፡ ዝንቱ፡ መንፈስ፡ ውእቱ፡ ዘይወፅእ፡ እምኦቤል፡
 ዘቀተሎ፡ ቃዋል፡ እኑሁ፡ ወይሰኪ፡ ኪያሁ፡ እስከ፡ ሰባ፡ ይትቃጉል፡ ዘርኡ፡ እምገጸ፡
 ምድር፡ ወእምዘርኡ፡ ሰብእ፡ ይማሰን፡ ዘርኡ፡። ወበእንተዝ፡ ውእተ፡ ጊዜ፡ ተስእልኩ፡
 በእንቲአሁ፡ ወበእንተ፡ ኩነኔ፡ ኩሉ፡ ወእቤ፡ በእንተ፡ ምንት፡ ተፈልጠ፡ ፩ እምነ፡ ፩።
 ወአውሥኦሪ፡ ወይቤለኒ፡ እሉ፡ ፫ ተገብሩ፡ ከመ፡ ይፍልጡ፡ መንፈሶሙ፡ ለምውታን፤
 ወከመዝ፡ ተፈልጠ፡ ነፍሶሙ፡ ለጻድቃን፤ ዝውእቱ፡ ነቅዐ፡ ማይ፡ በላዕሌሁ፡ ብርሃን።
 በከመ፡ ከማሁ፡ ተፈጥረ፡ ለኃጥኦን፡ ሰባ፡ ይመውቱ፡
 ወይትቀበሩ፡ ውስተ፡ ምድር፡ ወኩነኔ፡ ኢኮነ፡ በላዕሌሆሙ፡ በሕይወቶሙ።
 ወበዝዎ፡ ይትፈለግ፡ ነፍሳቲሆሙ፡ ዲባ፡ ዛቲ፡ ዐባይ፡ ፃዕር፡ እስከ፡ አመ፡ ዐባይ፡ ዕለት፡
 እንተ፡ ኩነኔ፡ ወመቅሠፍት፡ ወፃዕር፡ ለእለ፡ ይረግሙ፡ እስከ፡ ለዓለም፡ ወበቀል፡
 ለነፍሶሙ፡ ወበህዎ፡ የአሥሮሙ፡ እስከ፡ ለዓለም።
 ወእመኒ፡ ውእቱ፡ እምቅድሙ፡ ዓለም፡ ወከመዝ፡ ተፈልጠ፡ ለነፍሶሙ፡ ለእለ፡ ይሰክደ፡
 ወለእለ፡ ያርእዩ፡ በእንተ፡ ሕጉለት፡ አመ፡ ተቀትሉ፡ በመዋዕለ፡ ኃጥኦን።
 ከመዝ፡ ተፈጥረ፡ ለነፍሶሙ፡ ለሰብእ፡ እለ፡ ኢኮነ፡ ጻድቃን፡ አላ፡ ኃጥኦን፡ እለ፡ ፍጹማነ፡
 አበሳ፡ ወምስለ፡ አባስግን፡ ይከውኑ፡ ከማሆሙ፡ ወነፍሶሙ፡ ኢትትቀተል፡ በዕለተ፡
 ኩነኔ፡ ወኢይትነሥኡ፡ እምዝዎ።
 ውእተ፡ ጊዜ፡ ባረክዎ፡ ለእግዚአ፡ ስብሐት፡ ወእቤ፡ ቡሩክ፡ ውእቱ፡ እግዚእዎ፡ እግዚአ፡
 ስብሐት፡ ወጽድቅ፡ ዘኩሎ፡ ይመልክ፡ እስከ፡ ለዓለም።

ክፍል፡ ፳፫።
 ወእምህዎ፡ ሐርኩ፡ ካልአ፡ መካነ፡ መንገለ፡ ዓረብ፡ እስከ፡ አጽናፈ፡ ምድር።
 ወርኢኩ፡ እሳተ፡ ዘይነድድ፡ ወይረወፅ፡ እንዘ፡ ኢያዐርፍ፡ ወኢይነትግ፡ እምሩቆቱ፡
 መዓልተ፡ ወሌሊተ፡ አላ፡ ከማሁመ።
 ወተስእልኩ፡ እንዘ፡ እብል፡ ዝንቱ፡ ምንት፡ ውእቱ፡ ዘአልቦ፡ ዕረፍት።
 ውእተ፡ ጊዜ፡ አውሥኦሪ፡ ራጉኤል፡ ፩ እምነ፡ መላእክት፡ ቅዱሳን፡ ዘሀሎ፡ ምስሌዎ፡
 ወይቤለኒ፡ ዝንቱ፡ ዘርኢከ፡ ፋቆተ፡ ዘመንገለ፡ ዐረብ፡ እሳት፡ ዘይነድድ፡ ውእቱ፡ ኩሉ፡
 ብርሃናተ፡ ሰማይ።

ክፍል፡ ፳፬።
 ወእምህዎ፡ ሐርኩ፡ ካልአ፡ መካነ፡ ምድር፡ ወአርአዮኒ፡ ደብረ፡ እሳት፡ ዘያንበለብል፡
 መዓልተ፡ ወሌሊተ።
 ወሐርኩ፡ መንገሌሁ፡ ወርኢኩ፡ ፯አድባረ፡ ክቡራነ፡ ወኩሉ፡ ፩ እምነ፡ ፩ እንዘ፡
 ይትዌለጥ፡ ወአዕባነ፡ ክቡራነ፡ ወሠናያነ፡ ወኩሉ፡ ክቡር፤ ወስብሕ፡ ራእዮሙ፡ ወሠናይ፡
 ገጾሙ፡ ፫ መንገለ፡ ጽባሕ፡ ወጽኑዓን፡ ፩ ዲባ፡ ፩ ወ፫ መንገለ፡ ሰማይን፡ ወጽኑዓን፡ ፩ ዲባ፡
 ፩ ወ ቁላተ፡ ዕሙቃተ፡ ወጠዋያተ፡ አሐቲ፡ ለአሐቲ፡ ኢይትቃረባ።
 ወሳብዕ፡ ደብር፡ ማእከሎሙ፡ ለእሎንቱ፡ ወኑኖሙ፡ ይትማሰሉ፡ ኩሎሙ፡ ከመ፡
 መንበረ፡ አትሮንስ፡ ወዋዕውድዎ፡ ዕፀወ፡ መዐዛ።
 ወሀሎ፡ ውስቴቶሙ፡ ዕፅ፡ አልቦ፡ ግሙራ፡ አመ፡ ጭነወኒ፡ ወኢ ፩ እምውስቴቶሙ፡
 ወባዕዳንሂ፡ ዘከማሁ፡ ኢኮነ፡ ዘይምዕዝ፡ እምኩሉ፡ መዐዛ፡ ወቁጽሉ፡ ወጽጌሁ፡ ወዕፁ፡
 ኢይጸመሂ፡ ለዓለም፡ ወፍሬሁኒ፡ ሠናይ፤ ወፍሬሁሰ፡ ከመ፡ አስካለ፡ በቀልት።
 ወውእተ፡ ጊዜ፡ እቤ፡ ነዋ፡ ዝንቱ፡ ሠናይ፡ ዕፅ፡ ወሠናይ፡ ለርእይ፡ ወአዳም፡ ቁጽሉ፡
 ወፍሬሆኒ፡ ሞገስ፡ ጥቀ፡ ለርእዮ፡ ገጽ።
 ወውእተ፡ ጊዜ፡ አውሥኦሪ፡ ማካኤል፡ ፩ እምነ፡ መላእክት፡ ቅዱሳን፡ ወክቡራን፡
 ዘምስሌዎ፡ ሀሎ፡ ውእቱ፡ ዘዲቤሆሙ።

ክፍል : ፳፮፡፡

ወይቤለኒ : ሄኖክ : ምንተ : ትሴአለኒ : በእንተ : መዐዛሁ : ለዝ : ዕፅ : ትጤይቅ : ከመ : ታእምር ፡፡

ወውእተ : ጊዜ : አውሣእክዎ : አነ : ሄኖክ : እንዝ : እብል : በእንተ : ኩሉ : እፈቅድ : አእምር : ወፈድፋደሰ : በእንተዝ : ዕፅ ፡፡

ወአውሥአኒ : እንዝ : ይብል : ዝንቱ : ደብር : ዘርኢከ : ነዊኅ : ዘርእሱ : ይመስል : መንበሮ : ለእግዚእ : መንበሩ : ውእቱ : ኅበ : ይነብር : ቅዱስ : ወዐቢይ : እግዚእ : ስብሐት : ንጉሥ : ዘለዓለም : ሰበ : ይወርድ : የሐውጸ : ለምድር : በሠናይ ፡፡

ወዝንቱኒ : ዕፅ : መዐዛ : ሠናይ : ወኢ፩ ዘሥጋ : አልቦ : ሥልጣን : ከመ : ይግሥሥ : እስከ : አመ : ዐቢይ : ኩነኔ : አመ : ይትቤቀል : ኩሎ : ወይትፌጸም : እስከ : ለዓለም : ዝኩ : ለጻድቃን : ወለትሑታን : ይትወሀብ ፡፡

እምፍሬ : ዚአሁ : ይትወሀብ : ለኅሩዖን : ሕይወት : መንገለ : መስዕ : ይተከል : ውስተ : መካን : ቅዱስ : መንገለ : ቤቱ : ለእግዚእ : ንጉሥ : ዘለዓለም ፡፡

ውእተ : ጊዜ : ይትፌሥሑ : በፍሥሑ : ወይትሐሠዩ : ውስተ : ቅዱስ : ያበውኡ : ሎቱ : መዐዛ : በበአዕፅም ቲሆሙ : ወሕይወተ : ብዙኃ : የሐይወ : በዲብ : ምድር : በከመ : ሐይወ : አበዊከ : ወበመዋዕሊሆሙ : ኅዘን : ወሕማም : ወጻማ : ወመቅሠፍት : ኢይገሥሥሙ ፡፡

ውእተ : ጊዜ : ባረክዎ : ለእግዚእ : ስብሐት : ንጉሥ : ዘለዓለም : እስመ : አስተዳለወ : ከመዝ : ለሰብእ : ጻድቃን : ወከመዝ : ፈጠረ : ወይቤ : የሀብዎሙ ፡፡

ክፍል : ፳፯፡፡

ወእምህየ : ሐርኩ : ማእከለ : ምድር : ወርኢኩ : መካነ : ቡሩከ : ወጥሉለ : ዘቦቱ : አዕፅቅ : ዘይነብር : ወይሠርፅ : እምዕፅ : ዘተመትረ ፡፡

ወበህየ : ርኢኩ : ደብረ : ቅዱስ : ወመትሕተ : ደብር : ማይ : ዘመንገለ : ጽባሑ : ወውኅዘቱ : መንገለ : ሰሜን ፡፡

ወርኢኩ : መንገለ : ጽባሕ : ካልአ : ደብረ : ዘይነውኅ : ከመዝ : ወማእከሎሙ : ቁላ : ዕሙቅ : ወአልቦ : ራኅብ : ወላቲኒ : የሐውር : ማይ : መንገለ : ደብር ፡፡

ወመንገለ : ዐረቡ : ለዝ : ካልእ : ደብር : ወይቱሐቶ : ሎቱ : ወአልቦ : ኑኅ : ወቁላ : ታሕቱ : ማእከሎሙ : ወካልአት : ቁላት : ዕሙቃት : ወይቡላት : መንገለ : ጽንፈ : ሠለስቲሆሙ ፡፡

ወኩሉ : ቁላቱ : ዕሙቃት : ወአልቦን : ራኅብ : እምኩኩሕ : ጽኑዕ ፤ ወዕፅ : ይተከል : በሳዕሌሆሙ ፡፡

ወአንከርኩ : በእንተ : ኩኩሕ : ወአንከርኩ : በእንተ : ቁላ : ወጥቀ : አንከርኩ ፡፡

ክፍል : ፳፰፡፡

ውእተ : ጊዜ : እቤ : በእንተ : ምንት : ዛቲ : ምድር : ቡርክት : ወኩለንታሃ : ዕፀወ : ምልዕት : ወዛቁላ : ርግምት : ማእከሎሙ ፡፡

ውእተ : ጊዜ : አውሥአኒ : ኡራኤል : ፩እመላእክት : ቅዱሳን : ዘሀሎ : ምስሌየ : ወይቤለኒ : ዛቁላ : ርግምት : ለርጉማን : እስከ : ለዓለም ፤ ዝየ : ይትጋብኡ : ኩሎሙ : እለ : ይብሉ : በአፋሆሙ : ላዕለ : እግዚአብሔር : ቃለ : ዘኢይደሉ : ወበእንተ : ስብሐተ : ዚአሁ : ይትናገሩ : ዕፀባተ : ዝየ : ያስተጋብእዎሙ : ወዝየ : ምኩናኖሙ ፡፡

ወበደጋሪ : መዋዕል : ይከውን : ላዕሌሆሙ : አርአያ : ኩነኔ : ዘበጽድቅ : በቅድመ : ጻድቃን : ለዓለም : ኩሎ : መዋዕለ : በዝየ : ይባርክዎ : መሀርያን : ለእግዚእ : ስብሐት : ንጉሥ : ዘለዓለም ፡፡ ወበመዋዕለ : ኩነኔሆሙ : ይባርክዎ : በምሕረት : በከመ : ከፈሎሙ ፡፡

ውእተ : ጊዜ : አነኒ : ባረክዎ : ለእግዚእ : ስብሐት : ወነገርኩ : ሎቱ : ወዘከርኩ : በከመ : ይደሉ : ለዕባዩ ፡፡

ክፍል : ፳፱፡፡

ወእምህየ : ሐርኩ : መንገለ : ጽባሕ : ማእከላ : ለደብረ : መድበራ : ወርኢክዎ : ገዳመ : ባሕቲቶ ፡፡

ወባሕቱ : ምሉእ : ዕፀወ : እምነ : ዝንቱ : ዘርእ : ወማይ : እምላዕሉ : ይፈለፍል : በላዕሉ ፡፡

ያስተርኢ፡ አስራብ፡ ከመ፡ ብዙኅ፡ ዘይሰርብ፡ ከመ፡ መንገለ፡ መስዕ፡ መንገለ፡ ዐረብ፡
ወእምኩላሄኒ፡ የዐርግ፡ ወእምህየኒ፡ ማይ፡ ወጠል።

ክፍል፡ ፳፱።

ወሐርኩ፡ ውስተ፡ መካን፡ ካልእ፡ እምነ፡ መድበራ፡ መንገለ፡ ጽባሐ፡ ለውእቱ፡ ደብር፡
ቀረብኩ።
ወበህየ፡ ርኢኩ፡ ዕፀወ፡ ኩነኔ፡ ፈድፋድ፡ ቈስቁስ፡ መዐዛ፡ ለሰጊን፡ ወከርቤ፡ ወዕፀወኒ፡
ኢይትማሰሉ።

ክፍል፡ ፴።

ወላዕሌሁ፡ ላዕለ፡ እላንቱ፡ ላዕለ፡ ደብረ፡ ጽባሕ፡ ወአኮ፡ ርኅቅ፡ ወርኢኩ፡ መካን፡ ካልእ፡
ቈላተ፡ ማይ፡ ከመ፡ ዘኢይትዌዳዕ።
ወርኢኩ፡ ዕፀ፡ ሠናየ፡ ወመዐዛሁ፡ ከመ፡ ዘሰኪኖን።
ወመንገለ፡ ክገፊሆሙ፡ ለቈላት፡ እሎንቱ፡ ርኢኩ፡ ቀናንሞስ፡ ዘመዐዛ፡ ወዲበ፡ እልክቱ፡
ቀረብኩ፡ ዘመንገለ፡ ጽባሕ።

ክፍል፡ ፴፩።

ወርኢኩ፡ ካልእ፡ ደብረ፡ ዘቦቱ፡ ዕፀው፡ ወይወፅእ፡ ማይ፡
ወይወፅእ፡ እምኔሁ፡ ከመ፡ ኔቄጥሮ፡ ዘስሙ፡ ሳሪራ፡ ወከልበኔን።
ወዲበ፡ ውእቱ፡ ደብር፡ ርኢኩ፡ ደብረ፡ ካልእ፡ ወውስቴቱ፡ ዕፀው፡ ዘዓልዋ፡
ወእልኩ፡ ዕፀው፡ ምሉእን፡ ዘከመ፡ ከርካዕ፡ ወጽኑዕ።
ወሶበ፡ ይነሥእዎ፡ ለውእቱ፡ ፍሬ፡ ይኔይስ፡ እምኩሉ፡ አፈው።

ክፍል፡ ፴፪።

ወእምድኅረ፡ እሉ፡ አፈው፡ ለመስዕ፡ እንዘ፡ እኔጽር፡ መልዕልተ፡ አድባር፡ ርኢኩ፡ ፯
አድባር፡ ምሉዓን፡ ሰንበልት፡ ቅድድ፡ ወዕፀወ፡ መዐዛ፡ ወቀናንሞን፡ ወጥጥረ።
ወእምህየ፡ ሐርኩ፡ መልዕልተ፡ ርእሶሙ፡ ለእልኩ፡ አድባር፡ እንዘ፡ ርኅቅ፡ ውእቱ፡
ለጽባሕ፡ ወኅለፍኩ፡ እንተ፡ ዲበ፡ ባሕረ፡ ኤርትራ፡ ወእምኔሁ፡ ርኅቅ፡ ኮንኩ፡
ወኅለፍኩ፡ መልዕልተ፡ ለመልክክ፡ ዙጥኤል።
ወመጻእኩ፡ ውስተ፡ ገነተ፡ ጽድቅ፡ ወርኢኩ፡ ካሐካሐቲሆሙ፡ ለእልክቱ፡ ዕፀው፡ ዕፀወ፡
ብዙኅን፡ ወዐቢያን፡ ይበቀሉ፡ በህየ፡ ወእንዘ፡ ዪናሆሙ፡ ሠናይ፡ ዐቢያን፡ ወስኖሙ፡
ብዙኅ፡ ወስቡሐን፡ ወዕፀ፡ ጥብብ፡ ዘእምኔሁ፡ በሊያሙ፡ የእምርዋ፡ ለጥብብ፡ ዐባይ።
ወይመስል፡ ሐመረ፡ ጽራእ፡ ወፍሬሁ፡ ከመ፡ አስካለ፡ ወይን፡ ጥቀ፡ ሠናይ፡ ወዪናሁ፡
ለውእቱ፡ ዕፅ፡ የሐውር፡ ወይበጽሕ፡ ነዊኃ።
ወእቤ፡ ሠናይ፡ ዝዕፅ፡ ወከመ፡ ሠናይ፡ ወፍሠሕ፡ ርእየቱ። ወአውሥካኒ፡ መልክክ፡
ቅዱስ፡ ፋፋኤል፡ ዘምስሌየ፡ ሀሎ፡ ወይቤላኒ፡ ዝውእቱ፡ ዕፀ፡ ጥብብ፡ ዘእምኔሁ፡ በልዑ፡
አቡክ፡ አረጋዊ፡ ወእምከ፡ እቤራዊት፡ እለ፡ ቀደሙክ፡ ወአእመርዋ፡ ለጥብብ፡ ወተፈትሐ፡
አዕይንቲሆሙ፡ ወአእመሩ፡ ከመ፡ ዕራቃኒሆሙ፡ ሀለው፡ ወተሰዱ፡ እምገነት።

ክፍል፡ ፴፫።

ወእምህየ፡ ሐርኩ፡ እስከ፡ አጽናፈ፡ ምድር፡ ወርኢኩ፡ በህየ፡ አራዊተ፡ ዐበይተ፡
ወይትዌለጥ፡ ፩እምካልኩ፤ ወአዕዋፍሂ፡ ይትዌለጥ፡ ገጾም፡ ወስኖሙ፡ ወቃሎሙሂ፡
ይትዌለጥ፡ ፩እምካልኩ።
ወበጽባሐሙ፡ ለእሉ፡ አራዊት፡ ርኢኩ፡ አጽናፈ፡ ምድር፡ በኅበ፡ ሰማይ፡ ያዐርፍ፡
ወኅዋኅወ፡ ሰማይ፡ ርኅዋተ።
ወርኢኩ፡ እፎ፡ ይወፅኡ፡ ከዋክብተ፡ ሰማይ፡ ወኅብቁ፡ ዘእምነ፡ ይወፅኡ፡ ኅዋኅወ፡
ወጸሐፍኩ፡ ኩሎ፡ ሙጻኢሙ፡ ለለ ፩ በኅልቆሙ፤ ወአስማቲሆሙ፤ በደርኅሙ፤
ወምንባርሙ፤ ወጊዜሆሙ፤ ወአውራኅሊሆሙ፤ በከመ፡ አርአየኒ፡ መልክክ፡ ኩርኤል፡
ዘምስሌየ፡ ሀሎ።

ወኩሎ፡ አርአያ፡ ሊተ፡ ወጸሐፎ፤ ወዓዲ፡ አሰማቲሆሙ፡ ጸሐፊ፡ ሊተ፡
ወትእዛዛቲሆሙ፡ ወምግባራቲሆሙ፡ ።

ክፍል፡ ፴፬፡ ።

ወእምሆ፡ ሐርኩ፡ መንገሉ፡ መስዕ፡ በአጽናፊ፡ ምድር፡ ወበሆ፡ ርኢኩ፡ መንክረ፡ ዐቢዮ፡
ወስቡሐ፡ በአጽናፊሃ፡ ለኩላ፡ ምድር፡ ።
ወበሆ፡ ርኢኩ፡ ግዋግወ፡ ሰማይ፡ ፍቱሐተ፡ በሰማይ፡ ፫ በ፩እምኔሆሙ፡ ይወጽኡ፡
ነፋሳት፡ በመንገሉ፡ መስዕ፡ ሰበ፡ ይነፍሕ፡ ቍር፡ ወበረድ፡ ወአስሐትዖ፡ ወሐመዳ፡ ወጠል፡
ወዝናም፡ ።
ወእምአሐቲ፡ ጥጎት፡ በሠናይ፡ ይነፍሳ፡ ወሰበ፡ በ፪ሆሙ፡ ግዋግወ፡ ይነፍሱ፡ በጎይል፡
ወበፃዕር፡ ይከውን፡ ዲበ፡ ምድር፡ ወበጎይል፡ ይነፍሱ፡ ።

ክፍል፡ ፴፭፡ ።

ወእምሆ፡ ሐርኩ፡ መንገሉ፡ ዐረብ፡ በአጽናፊ፡ ምድር፡ ወርኢኩ፡ በሆ፡ ፫ ግዋግወ፡
ርጎዋተ፡ በከመ፡ ርኢኩ፡ በምሥራቅ፡ በአምግነ፡ ግዋግወ፡ ወበአምግነ፡ ሙፃአቱ፡ ።

ክፍል፡ ፴፮፡ ።

ወእምሆ፡ ሐርኩ፡ መንገሉ፡ አዜብ፡ በአጽናፊ፡ ምድር፡ ወበሆ፡ ርኢኩ፡ ፫ ግዋግወ፡
ሰማይ፡ ርጎዋተ፡ ወይወፅእ፡ እምሆ፡ አዜብ፡ ወጠል፡ ወዝናም፡ ወነፋስ፡ ።
ወእምሆ፡ ሐርኩ፡ መንገሉ፡ ጽባሕ፡ በአጽናፊ፡ ሰማይ፡ ወበሆ፡ ርኢኩ፡ ፫ ግዋግወ፡
ሰማይ፡ ርጎዋተ፡ መንገሉ፡ ጽባሕ፡ ወላዕሌሆሙ፡ ግዋግወ፡ ንዑሳን፡ ።
በ፩፡ እምእልኩ፡ ግዋግወ፡ ንዑሳን፡ የጎልፉ፡ ከዋክብተ፡ ሰማይ፡ ወየሐውሩ፡ ምዕራብ፡
በፍኖት፡ እንተ፡ ተርእዮት፡ ሎሙ፡ ።
ወሰበ፡ ርኢኩ፡ ባረኩ፡ ወበኩሉ፡ ጊዜ፡ እባርኩ፡ ለእግዚአ፡ ስብሐት፡ ዘገብረ፡ ተአምራተ፡
ዐቢያነ፡ ወስቡሐነ፡ ከመ፡ ያርኢ፡ ዕብዮ፡ ግብሩ፡ ለመላእክቲሁ፡ ወለነፍሳተ፡ ሰብእ፡ ከመ፡
ይሰብሐኩ፡ ግብር፡ ወኩሉ፡ ተግባሩ፡ ከመ፡ ይርአዩ፡ ግብረ፡ ጎይሉ፡ ወይሰብሐኩ፡ ለግ
ብረ፡ እደዊሁ፡ ዐቢይ፡ ወይባርክዎ፡ እስከ፡ ለዓለም፡ ።